

B. N. C.
FIRENZE

1 0 7 0

27



XXX

1101

1101

1070 27





LETTRE
DE
PERROQVET
AVX ENFANS PERDVS
de France.

*Deuorabunt eos aues morsu amarissimo.
Foris vestabit eos gladius. & intus paupor,
Cessare faciam ex hominibus memoriam eorum.
Gens absque consilio est, & sine prudentia, ut inam-
perent & intelligerent. Deut. cap. 32.*




A PARIS,
Chez JEAN BRUNET, Iouxte la copies
Imprimees à Thoulouse.
M. D. C. XIII.

SVR L'IMAGE DE
PERROQVET.

Quatrain.

*Quand i'ay veu ce pourrait à la premiere page
De ce docte discours que Perroquet a fait,
Voyant son bec crochu, sa griffe & son plumage,
L'ay iugé quant & quant qu'il est Aigle en effect.*

L. M.



LETTRE

DE PERROQUET,
AVX ENFANS PERDVS
de France.

*Perroquet ioüeur de fleutes, fourbisseur d'espees vieilles, Mar-
chand de cousteaux de Montauban, Soldat des vieilles
bandes: Aux Enfans perdus de France, Salut.*

LEs qualitez que ie prends, Messieurs
& celles que ie vous donne, sont sem-
blables: si vous estes Enfans perdus,
ie le suis aussi; car il y a plus de cin-
quante ans que ie cherche avec la
te de mon espee la fortune aussi bien comme
, & si ne la peux trouuer. Si vous y prenez
, & vous & moy sommes fort honorez en nos
s. Ie m'intitule Perroquet; qui voudra voir
erueilles du Perroquet (autrement dit Papegay
eux qui maschent le miel d'un plus friand langa-
en ailleaux Indes. Ie suis ioüeur de fleutes, Ti-
eel'estoit, qui au son melodieux de ses fleutes
oit Alexandre à la guerre; au contraire, mon
tion est d'exciter nos Alexandres à la paix. Ie
fourbisseur d'espees, le Dieu Vulcan l'estoit, qui
nales armes d'Aihylle quand il voulut aller à
tre de Troye. Mais qui ne sçait que le grand
sthene, qui fit la guerre si long temps à Phi-
le Macedoine, avec sa langue trenchante com-
cousteau, estoit fils d'un fourbisseur? Mar

marchand de cousteaux de Montauban. Le Dieu Mer-
 cure estoit marchand, voire larron, il auoit des cou-
 teaux si fins qu'il en couppoit les bourses. Quand
 à Pythagore, il estoit fils d'un marchand. Pour la
 qualité de Soldat que ie prends, on sçait que cette
 qualité est la plus estimee de toutes. Les soldats por-
 tent au bout de leurs espees ou la vie ou la mort de
 tout vn Royaume. Mais pource que regarde la qua-
 lité d'Enfans perdus que ie vous donne, vous n'a-
 uez pas occasion de vous en offenser. Agatocles
 estoit fils d'un potier, enfant perdu comme vous,
 par le moyen de la fortune il deuint Roy de Sicile.
 Darius Roy de Perse estoit vn courrier, vn mes-
 sager ordinaire, vn porteur de lettres. Telephanes
 Roy de Lydie vn simple charretier. Le grand Tam-
 burlan vn porcher Ptolomee Roy d'Egypte vn
 bouuier. L'Empereur Iustin tout de mesme Voyla
 comme jadis la fortune donnoit les Empires à des
 Enfans perdus. O Dieu que ces siècles passez dif-
 ferent bien du temps present ! Les maisons les plus
 illustres ont assez à faire d'y pouuoir paruenir, &
 paruenues qu'elles y sont, de maintenir leur cou-
 ronne, & conseruer leur grandeur. Vous avez en-
 tendu ces jours passez comme quelques-vns de Mes-
 sieurs les Princes ont quitté la Cour, & mal-con-
 tans à (ce qu'on dit) ont prins les armes contre la
 volonté du Roy. Ils veulent, commel'on dit, re-
 gler l'Estat, & demandent compte à la Royne plu-
 tost que sa sacree administration soit finie. Voyla le
 sommaire de ce que i'en ay aprins. Peut-estre que
 vous le sçaez mieux que moy. I'ay voulu pourtant
 faire mon deuoir de vous en aduertir, & en chose si
 importante n'ay voulu conuiuer. Ha! dea, dira-

5

quelqu'un, quel interest a Perroquet aux affaires d'E-
tat, & au differend qui est entre les Princes ? Voicy
les raisons : Perroquet est soldat, nonobstant la
prohibition des Edits il a porté les armes tousiours
pendant la paix, la picque devant & derriere, &
à la face d'un Fabius Maximus, qui en tem-
périsant vient à point de toutes choses, lequel ne
n'est iamais remué, ains a laissé passer librement
la chemie à Perroquet. 'Secondement, le Roy a
donné par son merite, il m'a pourueu en cette ville de
l'office de l'office de Sergent maior. Si vne fois la
terre est declaree, vous verrez bien des rondes à
travers l'Empire il y en aura bien d'attrapez &
emprisonnez, ie m'asseure que Perroquet s'en fera
un poir. Finablement ie suis noble, Perroquet en pos-
sede pas vn poulce de terre qui fasse taille : le pred
sept-deniers luy est cōmun, avec tous les bœufs,
vaches, & moutons de cette ville ; ce pred est de bel-
lenduë, le gentil pred, depuis les portes du Baza-
r s'estend iusques aux portes de Blaignac. Il n'y
a de Garonne entre-deux, pour donner passage
aux Matelots de Castel-ferrus, qui rament chez eux
de la pratique du Senechal cesse, & pour rece-
voir les gentils barricots d'anchoyes, & tōneaux de la
pêche moluë qui monte de Bourdeaux pour la pro-
prie de ceux qui ne peuuent manger poisson d'eau
douce, & qui se plaignent de la police des Capitouls.
Mais si vous voulez, le propre du Perroquet est
de parler, & dire tout ce qu'on luy apprend. Le
mal Ascamus en auoit vn qui parloit de Dieu,
il estoit sans hesiter l'entier Symbole de la foy.
Le Cesar en auoit vn qui ne cessoit de le sa-
voir. Ce n'est rien du Tourge d'Agrippine, femme

de l'Empereur Claudius, ny du Corbeau de ces trois Empereurs, Tybere, Germanicus, & Drusus, si regretié apres sa mort, qu'on luy fit faire des obseques publiques. Les merueilles du Perroquet sont plus grandes. Inferez maintenant : puis que ie suis soldat, puis que ie suis noble, & qu'il appartient au Perroquet de parler, n'ay-je pas occasion de me remuer quand l'occasion s'en presente, & parler des Princes qui sont les images de Dieu ? S'il est licite à vn Perroquet de parler de la foy de Dieu, ne me fera il pas licite de parler de la foy & de l'obeyssance que l'on doit au Prince ? Certes ie meriterois d'estre degradé de tiltre de ma noblesse si i'estois muet, & le Perroquet ne meriteroit iamais de me prescher aux moliueaux d'une si gentille cage. Le Gentilhomme qui conniue quand il void qu'on querelle son Roy, est traistre à la Couronne. Ne dire mot, ne bouger de place quand on void que quelqu'un veut troubler l'Estat, c'est estre lasche, perfide, & degenerer de la vraye noblesse, c'est tout autant comme se ietter au party contraire, & se rendre par ce moyen criminel de leze Maisté. I'ay obmise vne autre raison qui est beaucoup plus pregnante. Il importe que chacun suiuant sa capacité, s'efforce de maintenir la paix, & rembarre dans sa grotte infernale ce monstre de guerre. Pour mon regard, ie suis vn peu Grammairien, car mon pere me fit estudier, croyant que pour mon merite ie deusse auoir quelque office. Mais ! las depuis les offices se sont rendus venaux, ie suis demeuré sans dignité, & suis esté contraint de faire d'autres mestiers pour gagner ma vie. Encore i'eusse donné quelque attraque à l'office du Iuge de la Police (autrement appellé des Fangassés)

Mais aux dernieres troubles que l'ennemy entra par
 trahison à certaines ville où i'ay mon patrimoine à
 cause que ie tenois le party du Roy, vn meschant
 borgne soldat enleua toute ma fortune. l'auois re-
 cueilly cette annee à toutes mains en mes terres qua-
 tre boisseaux & demy de bled, manque vne poignée,
 deux escuelles de cheneuis, autant de millet, vne on-
 ce de saffran, la quatriesme partie d'vn baricôt de vin.
 Le meilleur de mon bien consistoit en garailles. l'y
 auois vne truye qui me faisoit neuf cochons chaque
 année, vne fois elle en fist vnze, parce qu'il me
 fallut de payer la dixme au Curé, les deux moururent
 & resterent neuf comme de coustume. Je y auois
 une cheure, trois moutons, vn beuf & vn asne que
 ie tenois exprés pour labourer. Je scay bien que
 c'est deffendu par les sainctes loix. Mais la neces-
 sité a point de loy. Tant y a, que tout cela s'en
 alla. Menges & Tymar furent cause de ma perte,
 & qu'ils mirent l'ennemy dedans. Encore celuy
 qui participa au butin estoit cousin second de ma
 femme. Regardez qu'elle foy il faut adiouster aux
 armes. Certes ie croy qu'ils ne vont à la guerre
 pour piller, & croy fermement que le fils qui
 apprend ce mestier commence par son Pere, & qu'il
 ne va point tout à sac auparauant qu'il s'aille enroller
 sous la charge d'aucun Capitaine. On pourroit
 dire de me ruiner, ie suis resolu de viure & mou-
 rir au service du Roy. Vn office de Sergent des Ca-
 paignes payera tout cela, si vne fois sa Majesté à la
 bonté de mon merite. L'Office de Sergent
 n'est point assésuré, par ce que la guerre n'est
 assurée. Et puis pour vous dire vray, j'aime-
 rois mieux faire vn petit exploit de pratique, &

mettre la main au collet de quelque malfaiçteur, que
 trancher du gros, monter à cheual sur vne houſſe
 commander à ceux qui ont autorité, ce ſeroit faire
 des ennemis, à quoy mon naturel ne me porte, que
 ie n'y ſois forcé par la neceſſité. Doncques pour
 reuenir au point, ce peu de cognoiſſance que Dieu
 m'a donné en mon art, ie le veux employer pour le
 ſeruice du Roy, & ſuis d'aduiſ qu'on baniſſe de tous
 les quatre coins de la France cette herſie de guerre
 quel pretexte que l'on puiſſe auoir. Nous n'auons
 point affaire de ces cheuaux Troyens, qui ſoubs om-
 bre des piété de vouloir conſacrer à Minerue, reform-
 mer l'Eſtat, veulent abbatre nos murailles, ſaccager
 nos maiſons, & mettre tout en cendres. La guerre
 eſt vn tizon d'enfer, qui atd perpetuellement dans
 le cœur de ceux qui ne peuuent eſtre pacifiques. Vn
 magicien ſe vante de faire greſſer en quelque lieu
 pour ſe venger de ſes ennemis: il ne le peut faire qu'il
 n'incommode ſes amis, & que la greſſe qu'il proiet-
 te de faire tomber aux champs d'autrui, ne gaſte
 pareillement les fruiçts qui ſont en la terre. De meſ-
 me, celuy qui pour la particuliere malice de quel-
 qu'un fait greſſer les canons, excite les foudres de la
 terre, il ne peut tellement offeñſer ſon ennemy, qu'il
 n'offeñſe ſoy & ſon amy propre. La hayne, la ran-
 cune ſont ſans yeux auſſi bien comme l'amour.
 Quand la paſſion au eugle, on ne regarde point ce
 quel'on fait: On combat en Andabate, on frappe
 ſi bien ſur la teſte, comme aux talons. L'experiance
 des choſes paſſées deuroit arreſter ceux qui courent
 ſans bride à tels appetits, & ceux qui ne le ſçauent
 s'en deuroient informer avec les vieux, jeter la veuë
 ſur les hiſtoires, & conſiderer quels mal-heurs les
 diſcor-

cordes ciuiles ont apportez à la France. On ne peut
 nt esperer de gaigner plus que d'autres qui ont esté
 ompagnez de pareils pretextes, la playe des guerres
 nieres n'est pas encore bien consolidee, elle seigne
 ore en plusieurs endroiets du Royaume, & toutes-
 on veut faire encore de nouueaux efforts à l'Estat:
 tre playe sur playe, coup sur coup, n'est-ce pas
 effect procurer sa ruine, & tascher totalement
 exterminer? les diuisions dernieres en ont rappé les
 lemens, l'arbre a esté esbranlé, on le veut accabler
 nuerter par terre. Qu'elle assurance sçaura on treu-
 parmy les estrangers, puis que nos domestiques
 guerroyent? Le mal est incurable qui vient par
 dans, & ne peut guerir que par vne faueur speciale
 dieu, ou par l'obseruation la plus exacte de la Me-
 ne. Que deuiendra la santé du corps, mais quels
 es suffira le pauvre malade si le venin de la dis-
 e, infecte les parties Nobles, & serpente iusques au
 ? Les Nobles & ceux qui le sont principalement à
 de leur sang, sont les esprits vitaux qui font viure
 piter ce corps Monarchique; s'ils s'esloignent &
 ent du Cœur, par quel moyen pourra-il viure?
 rquetta enuie de delgoiser, permettrez-le ie vous
 vous dira chose qui paraduventure estonnera les
 ls & animera les petits. La discorde & diuision
 Princes, feust cause que la ville de Rome tomba
 les mains des Visigots, qui rauagerēt longuement
 & vne bonne partie de Gascogne, iusques aux
 agnes Pirenees, voire le saint siege en feust tel-
 t blessé, qu'il feust besoin que nos Roys de Fran-
 ais Podalyres de Dieu) y missent la main, en tel-
 e que Charles le Grand, ayant chassé Luitprand,
 Didier Roy de Lombardie, remist le Pape

Adrian troisieme en sa chere Apostolique, en recompense dequoy il feust creé Empereur de l'Occident en plain Concile, & feult lors l'Empire affecté & vny à la Couronne de France, lequel on en a laissé separer par la mauuaise ménagerie, de laquelle on a vzé en cest Estat, les Princes de sang ne faisant autre mestier que ce harceler. Quand la fortune rist en vne maison, il semble que les larmes n'y doiuent iamais distiller, l'Empire d'Orient comment eit-il tombé entre les mains des Turcs? La discorde qui feust entre les freres de Constantin huitieme en est la cause, & pour passer plus auant, le schisme & la diuision de l'Eglise Grecque avec la Latine. L'exemple de Scylurus est veritable, tandis que les parens tiennent liez d'une ferme amitié, les vns, les autres, il est impossible de les rompre & separer; Mais s'ils se deslient & separent eux mesmes, le moindre inconuenient les accable & les brise. Alexandre le Grand en peu de temps conquist le Monde, mais rout incontinent apres sa mort, par la mauuaise intelligence des siens le fruct de sa conqueste s'esuanoüist, ses Diademes farent dispersees, & tous ses Sceptres tomberent entre les mains des estrangers. Ptolomee print l'Egypte, Laomedon la Syrie, Python la Medie, Eumenes la Paphlagonie & la Capadoce, Antigonus la Pamphilie la Lycie, & la grande Phrygie, Cassander se saisist du Royaume de Carie, Meleager de la Lydie, Lydimachus eust la Thrace, Antipater la Macedoine, & d'autres enuahirent d'autres Royaumes & Prouinces, iusques au nombre de 22. Les Royaumes, terres & Duchez, qui ont appartenu à la France où sont-ils? on sçait bien par qu'elle voye ils en ont esté alieniez. La dissension des Prince's, leur mauuaise intelligeance en est la cause. Il ne faut point qu'on en donne le tort à la violence.

des armes, à la vicissitude du temps, ny au changement de fortune, car on sçait bien que les François sont guerriers, tandis qu'ils se tiennent en amitié, qu'ils ne succombent iamais à l'effort de leurs ennemis; & puis dès que la fortune s'est establie en vn lieu, il est mal-aisé de l'en arracher si on la sçait caresser & entretenir. Tesmoins en sont les Hotomans, qui pour le bien de leur principauté & de leur Religion, sçauent sagement appaiser leurs discordes. Le proverbe est qu'une once de division apporte vn quintal de malheur.

Ha! Prince François, petit en âge, grand en pou-
 voir, tige de ces heureux Monarques, qui ont gouverné
 toute la terre, œil de la Chrestienté, & le bras droit du
 Siege Apostolique, ie voudrois estre vn Mercure, pour
 pouoir par la force de mes persuasions appaiser vos
 querelles. Si i'estois Apollon, des fiesches d'or que ie
 tiens de mon carquois, i'en entamerois la poitrine
 de ceux qui imprudemment vous voudroient assaillir,
 si i'estois Jupiter, cent foudres vengeroient la malice
 de ceux qui conspirent de vous enuveloper aux rets
 d'une discorde ciuile. Qu'elle apparence y a il de s'en
 prendre à vn Prince qui est moindre? quel subiect
 de inquieter vn Royaume si florissant en pays? Moins
 encore de vouloir censurer les actions d'une Roynie
 d'âge? Le mal est-il si vehement qu'il faille appliquer
 feu & cautere des armes? Dieu mercy l'on ne voit
 point que l'ulcere soit si profonde, qu'elle aye gasté la
 moindre partie de cest Estat. Les personnes Ecclesiasti-
 ques font leur deuoir, viuent avec toute saincteté de
 vie. Les Prelats montent en chaire, preschent la parole
 de Dieu, de leur propre main manient la houlette, font
 cuire le Thym, l'Anis & la Mariolaine à leurs brebis,
 font choses que par aduenture despuis saint Denys,

on n'a veu faire en France, ce qui estonne & esbloiüst nos aduersaires, de telle façon que voyant leur pieté & deuotion, ils ont recours à l'impiété de leurs ames. Quand à la Iustice elle domine plus que iamais. Pour la Noblesse elle commande selon son rang; & quand au peuple il obeïst. Sçauoit-on voir vn Estat mieux réglé & composé que celuy-là? les membres qui trauaillent tousiours pour l'ornement & embelissement de ce diademe, ne se plaignent point, chacun est cōtent, personne ne gemist sous le fais de sa charge. Quand vn corps est si sain, qu'à on affaire de crier le Chirurgien qu'il porte sa lancette? Les remedes se doiuent appliquer quand il y a mal, les reglemens se doiuent faire quand il y a du desordre. Mais ou toutes choses vont bien, avec compas, mesure & cadence par le sage conseil de ceux mesmes qui font semblant de ne le vouloir ainsi, quelle apparence y a il d'imputer à l'Estat aucun desordre? On pourra dire de mesme façon que les Estoiles ne sont pas bien fichees au Ciel, & que les douze signes sont mal rengez, bref il faudra accuser l'intēperature du temps, se plaindre de l'hyuer dernier; dire qu'il a esté trop froid, & que le printemps est trop humide. Ce qui semble estrange à nos yeux, par ce que nous ne sçauons point les secrets de Dieu, est vn cours & vne reuolution ordinaire à Dieu. Il tempere les saisons comme il luy plaist, & comme il voit estre à faire, regist cest Vniuers de sa propre prudence, sans qu'il aye besoin de nostre conseil, qui sommes auugles en ses merueilles: le semblable arriue au gouuernement des Roys, qui sont faits & taillez au modele de Dieu. Il n'est besoin que tout le Mōde penetre à leurs deslains, & sçache ce qu'ils font. L'Escuyer qui est à cheual, est il tenu de dire à tous propres de quel costé il veut tourner bride? vn Regent

u vne Regente, est elle tenue d'esuenter ses secrets,
 re ce qu'elle veut faire en la sacree administration
 vn Roy? faut-il qu'elle rende compte de ses actions
 toutes heures, à tous momens plustost que sa charge
 soit finie? Pour conduire & administrer l'Estat, luy sera-
 point licite de faire quelque chose, sans l'approbation
 consentemēt d'un autre, certes ceste puillance seroit
 en bornee, & de peu d'effect; les plus abiects Tu-
 urs & Administrateurs des simples pupilles, ne sont
 si altraincts: ils sont dispēsés à faire ce qu'ils veulent
 n'en font recherche qu'apres leur administration;
 mais ce qui se fait avec grande circonspection, ce que
 sage conseil de la Roynne delibere, ce que Messieurs
 Princes accordent, cela peut-il estre sujet à re-
 cherche & à censure? peut-on retarder l'euuenement
 ne chose qu'on aura cōclu d'estre necessaire à faire?
 Il n'y a rien plus que cela, l'Estat n'est point en den-
 r, on n'a pas occasion de le remuer: Mais s'il semble
 qu'on voye quelque petite tache, ou esgratigneure en
 face, de quelque petit don ou liberalité, le coup n'est
 mortel, & la cicatrice n'est pas si grande que pour
 qu'il faille crier à la mort La magnificence des grands,
 principalement des Princes, paroist en leur liberalité,
 leurs coffres doiuent estre ouuerts pour ceux qui le
 meritent, & fermez à double ressort pour ceux qui ne
 meritent. Alexandre disoit qu'on ne sçauroit mieux
 her son Thresor, qu'en la bourse de ses amis, parce
 qu'on l'y treuve quand on en a besoin, les Princes ne
 uent iamais sur l'arene, ils sçauent bien que ce qu'ils
 donnent leur peut profiter; Si la liberalité & mu-
 cence estoient à blasmer en vne grande Princesse,
 Hypso seroit à blasmer, d'auoir donné vne robbe si
 eue, semee de tant de pierres à Vlyse. Didō d'auoir

offert son sceptre à Enee, Artemise d'auoir trop des-
 pendu à son Mausole. Semiramis pendant la minorité
 de son fils d'auoir trop donné aux Princes & grands Sei-
 gneurs de sa Cour, & Candacé Royne d'Ethiopie d'a-
 uoir nourry & esleué trop de personnes autour de soy.
 Ce discours est sans fondement, ce mescontentemēt est
 imaginaire, si l'on oste la liberalité, & recompense des
 biens faits, les Cours des Princes seront desertes. Nul
 ne voudra s'aller captiuier au seruice des grands, s'il n'a
 l'esperance d'y pouuoir faire quelque fortune. Les
 grands Monarques ont tousiours eu quelques vns à
 l'entour d'eux, enuers lesquels ils ont eu de particulieres
 inclinations. Darius aymoit Zopyre, Alexandre He-
 phestion, si l'on demande la cause de cela, il faut de-
 mander pourquoy l'Aymant attire le fer, & pourquoy
 la Remore arreste les Nauires. Ceste question n'est pas
 nouuelle, pourquoy les Princes ayment certaines per-
 sonnes (quelquefois de moindre merite) pardessus les
 autres, elle feust decidee par le fer au temps de la Roy-
 ne Blanche mere du Roy saint Louys, contre laquelle
 on se faschoit de ce que en qualité de Regente, elle dis-
 posoit des finances, & des Estats comme bon luy sem-
 bloit, postposant les vns, & preferant les autres. Mais
 ceste Royne semblable à la nostre, meue d'un bō desir
 de bien regir & administrer la chose publique, & d'ad-
 uancer les affaires du Royaume, ne feust pas destituee
 de secours, elle vainquist ses ennemis, les mist à la raisō,
 destruisit les Anglois en bataille rangee, contenta les mal-
 contents, & lia aux chainons de son obeyslance le Con-
 te Raymond de Tholose, si effarouché que personne
 ne l'auoit sceu lier auparauant, Dieu est le Protecteur
 des Orphelins, preside au iugement des Veuues, & he-
 berge sous l'ombre de son aisse sacree les Innocens.

Je n'eusse jamais pensé Messieurs, que mon plumage feust si fort, voicy le premier vol que Perroquet a faict hors de sa cage; La region où il a vollé est si immense, qu'il s'est pensé perdre en son essor, ô que le langage des Princes est difficile! j'apperçoy maintenant qu'il n'appartient qu'aux Aigles de la Cour, de regarder tel Soleils. Je suis trop petit Perroquet pour dire quelque chose qui approche du lustre, & de l'excelléce de leurs merites: Mais si ce que j'ay dit vous semble auoir quelque energie, & quelque chose de bon, faictes que vos effects soient meilleurs. Disposez vous à seruir vostre Roy, desroüillez vos armes, & au moindre bruit du fifre & du tambour courez, jettez vous au pied de sa Majesté, & faictes esclatter ces paroles à ses oreill s.

SIRE

Nous vous venons offrir nos vies, marris quand nous les aurions perduës, de ce que nous ne les pourrions recouurer, pour derechef vous les offrir, l'experience des choses passées nous mōstre qu'il ne faut point se detraquer de l'obeissance de son Prince. Nous ne sommes point si forts & si puillans, que vous deüiez faire conte de nos vœus, & sçauons fort bien quād vous voudriez espargner vos subiects, que les Royaumes, & Prouinces plus reculees, se viendroient courber à vos pieds pour vous offrir ayde & secours, le nostre n'est point nece ssaire, si ce n'est en tant que le deuoir nous y oblige, faictes de nous ce qu'il vous plaira. Nous vous offrons ce que nous pouuons, & ce que nous denons.


Quand il vous entendra parler ainsi, il vous receura benignement, & voyant vne generale acclamation & applaudissement de vos volontez, cela les resiouyra

merueilleusement. L'obeissance d'un bon & fidele subiect, sert de confort à son Prince, & donne terreur à ses ennemis. Peut-estre qu'il ne sera point necessaire que vous portiez les armes pour luy. Les Princes sont si sensibles, & ont de si bons mouuemens dans leurs cœurs, qu'il ne sera point d'eux, ce qu'on en imagine. Vous aurez fait cependant ce qui sera de vostre charge. Persistés comme aussi de croire que ie suis pour iamais.

Messieurs,

*Vostre cher amy à vendre
& engager*

PER ROQVET.









MC

